



Concello de Vigo

YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 22 de decembro de 2022**, adoptou o seguinte acordo:

4.- PROXECTO DE CONVENIO DE COLABORACIÓN COA ASOCIACIÓN DE EMPRESARIAS DE GALICIA PARA PROPORCIONAR A MÁXIMA DIFUSIÓN AOS RESULTADOS DO PROXECTO "VIGO POLA INSERCIÓN LABORAL" NO VI CONGRESO "ACCIÓN E IMPLICACIÓN" EMPRESARIAS GALICIA. EXPTE. 19698/77.

Visto o informe de fiscalización do 15/12/2022, dáse conta do informe-proposta de data 25/11/2022, asinado pola xefa de Participación Cidadá e Desenvolvemento Local, a concelleira-delegada de Área e polo concelleiro-delegado de Orzamentos e Facenda, que di o seguinte:

ANTECEDENTES

I. Con data de entrada no Rexistro Xeral do Concello de Vigo o 28/10/2022, Dona Susana Pérez Iglesias (DNI: 39.451.055Y), en calidade de presidenta da "ASOCIACIÓN DE EMPRESARIAS DE GALICIA" (CIF: G27826999), achegou escritos (docs. 220269606, 220275892, 220275918 e 220280072), solicitando a celebración dun convenio de colaboración co Concello de Vigo, para darlle a máxima difusión os excelentes resultados do proxecto "Vigo pola inserción laboral" previsto no Programa Operativo de Emprego, Formación e Educación (POEFE) dentro do VI Congreso "Acción e Implicación" Empresarias Galicia para próximo día 8 de novembro 2022, mediante unha axuda económica que se concreta no financiamento dos gastos de montaxe, desmonte, equipamento, instalación eléctrica e rotulación dun stand e a difusión en redes sociais e páxina web da Asociación.

II. Segundo a documentación presentada, será a presidenta, Dona Susana Pérez Iglesias, a persoa responsable de representar á asociación perante calquera organismo público ou privado, polo tanto para a sinatura do convenio.

III. A "Asociación de Empresarias de Galicia", seguindo o disposto no art. 14 da LXS e Base 38ª.9 das Bases de Execución do Orzamento, acredita, documentalmete, o cumprimento dos requisitos necesarios para acadar a condición de beneficiaria, a saber:

Documentación acreditativa de estar ao corrente coas súas obrigas tributarias e coa Seguridade Social, viventes de conformidade co art. 23.3 do RLXS:

- Xustificante de obtención telemática de datos da Axencia Estatal de Administración Tributaria (AEAT), de data 02/11/2022.
- Certificado da Consellería de Facenda da Xunta de Galicia, de data 07/11/2022.
- Xustificante de obtención telemática de datos da Seguridade Social, de data 02/11/2022.
- Certificado do Concello de Vigo, de data 07/11/2022.

Así mesmo, a entidade interesada achega, a seguinte documentación:

1. Solicitud de convenio de colaboración (anexo I).
2. Datos do representante legal (anexo II).



Copia do documento - Concello de Vigo	Data impresión: 16/05/2024 14:49	Páxina 1 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

3. Declaración responsable do presidente da entidade, de non incorrer en ningunha das prohibicións e circunstancias dos artigos 13 e 34 da LXS e artigos 10 e 31.6 da Lei de Subvencións de Galicia (anexo III).
4. Declaración de outras axudas solicitadas ou concedidas para o mesmo proxecto (anexo IV).
5. Consulta de verificación de datos. Non achega oposición expresa á consulta por parte do Concello de Vigo (anexo V).
6. Datos da entidade bancaria (anexo VI).
7. Orzamento equilibrado (anexo VII) que serve de base para o outorgamento da subvención é o que se reflicte a seguir:

ORZAMENTO DE GASTOS PUBLICITARIOS (08/11/2022)	
Difusión dos resultados do Proxecto "VIGO POLA INSERCIÓN LABORAL" no VI Congreso "Acción e Implicación" Empresarias Galicia mediante a instalación dun stand informativo	1.800,00 €
TOTAL	1,800.00 €

ORZAMENTO DE INGRESOS (08/11/2022)	
Subvención Concello de Vigo	1.800,00 €
TOTAL	1,800.00 €

8. Memoria explicativa do proxecto subvencionado.

IV. En data 04/11/2022 a Tenente de Alcalde e Concelleira de Economía, Fondos Europeos, Patrimonio e Emprego asinou a orde de inicio de expediente para tramitar o presente convenio.

V. A "ASOCIACIÓN DE EMPRESARIAS DE GALICIA" (CIF: G27826999) consta inscrita no Rexistro Municipal de Asociacións co nº 1284-16.

VI. A petición do servizo de Desenvolvemento Local e Emprego, expídese certificación de data 07/11/2022 do tesoureiro municipal, acreditativa de que a beneficiaria non ten débedas de dereito público, na vía de constrinximento, pendente de pagamento, no Concello de Vigo.

VII. A xefa do servizo de Desenvolvemento Local e Emprego asina memoria xustificativa e o texto do convenio que se propón para aprobación.

FUNDAMENTOS DE DEREITO

I. OBXECTO

O obxecto do presente expediente é a concesión dunha subvención directa á ASOCIACIÓN DE EMPRESARIAS DE GALICIA (G27826999), que se instrumentaliza a través dun convenio cuxo texto consta no expediente e que se propón para aprobación, para subvencionar os gastos de difusión dos resultados do proxecto "Vigo pola inserción laboral" no VI Congreso "Acción e Implicación" Empresarias Galicia.



Copia do documento - Concello de Vigo	Data impresión: 16/05/2024 14:49	Páxina 2 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

A asociación Empresarias de Galicia é unha Asociación que actualmente ten representatividade en todo o territorio autonómico e unha sólida traxectoria na procura da igualdade da muller en todos os seus roles ao longo da súa andadura persoal e profesional.

Entre os seus fins e actividades da entidade, encóntranse os seguintes:

- Conseguir a igualdade de oportunidades no acceso ao mundo laboral, eliminando calquera barreira discriminatória.
- Defender e fomentar a libre iniciativa privada da muller.
- Facilitar o networking entre empresas e fomentar o espírito de colaboración entre as socias e colaboradoras coa finalidade de obter unha mellor actividade empresarial das mulleres.
- Impulsar e axudar á muller emprendedora.
- Impulsar a formación integral da muller desde o punto de vista empresarial e profesional.
- Fomentar o asociacionismo empresarial.

A situación das mulleres viguesas en canto ao emprego é moito máis precaria que a dos homes. A estas non só aféctalle unha taxa de desemprego máis elevada, senón que outras variables fan efecto nelas, o que aumenta a súa predisposición á vulnerabilidade: peores condicións laborais, soldos máis baixos e menor recoñecemento laboral. Desta maneira, capacitar a mulleres mediante certificacións oficiais, non só implica aumentar as súas posibilidades de acceso ao emprego senón tamén recoñecemento laboral; e participar na formación transversal e complementaria achegaralles un acceso cualitativo mellor, grazas a adquirir competencias sobre os cambios lexislativos, organizativos e estruturais que se están producindo e que están a impregnar o tecido empresarial.

O proxecto “Vigo pola inserción laboral” previsto no Programa Operativo de Emprego, Formación e Educación (POEFE) de axudas destinadas a entidades locais para a inserción das persoas mais vulnerables cofinanciado nun 80% polo Fondo Social Europeo (Expte.15311-77) ten entre as súas metas, favorecer a igualdade de xénero e a non discriminación de colectivos desfavorecidos, mediante a implantación dunha serie de medidas específicas de índole afirmativa, inclusiva e de nivelación.

Á súa vez, os axentes sociais máis representativos, UXT, CC.OO., CIG, AJE Vigo, Asociación de EMPRESARIAS de GALICIA e CEP, participaron activamente na planificación do presente proxecto, comprometéndose ao seguinte:

- a) Aconsellar e acreditar o proceso de selección dos beneficiarios.
- b) Apoiar o proceso de execución das prácticas profesionais non laborais, seleccionado e sumando organizacións empresariais onde os beneficiarios poidan executar dita formación.
- c) Servir de asesores naquelas accións nas que polas súas propias circunstancias e competencias así o aconsellen.

Actuando con este proceder búscase dotar de protagonismo aos axentes sociais e dar cumprimento aos compromisos adquiridos e cabida aos mesmos na organización deseño e implantación do presente proxecto.

O Concello de Vigo, coa finalidade de afondar nesta colaboración cos axentes sociais participantes no proxecto, establece esta canle de cooperación necesaria coa Asociación de Empresarias de Galicia para subvencionar os gastos de instalación, montaxe e equipamento dun stand informativo do proxecto “Vigo pola inserción laboral” dentro do seu VI Congreso “Acción e Implicación” que se levará a cabo o día 8 de novembro de 2022, con cargo á aplicación orzamentaria 2410 480000 *Programa de axudas ao plan de emprego municipal* prevista nos vixentes orzamentos municipais.

En definitiva, o Concello de Vigo comprométese, non só a garantir a participación dos axentes sociais no proxecto, senón tamén a promovela activamente.

O proxecto “Vigo pola inserción laboral” iniciou a súa andadura no mes de outubro de 2019 e finalizará o 31 de decembro de 2022. A crise sanitaria provocada pola COVID-19, o medo da poboación á asistencia



Copia do documento - Concello de Vigo	Data impresión: 16/05/2024 14:49	Páxina 3 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

presencial e os contaxios nas clases, coa consecuencia da suspensión das mesmas, fixo que, cumprir os obxectivos marcados no proxecto, fosen practicamente inalcanzables. Aínda así, o éxito do proxecto é indiscutible, dos 315 participantes previstos, alcanzouse unha participación de 303 persoas, dos cales, 231 alumnos acadaron o certificado de profesionalidade.

Este feito non debe pasar desapercibido. O Concello de Vigo participou nos Congresos da Asociación Empresarias de Galicia "Acción e Implicación", dos anos 2019 e 2021, cando o obxectivo era proporcionar a máxima difusión e coñecemento do proxecto, polo que se considera axeitado dar a coñecer os resultados do proxecto unha vez finalizadas as accións formativas e as xornadas informativas.

Por outra banda, nas Instrucións Xerais para a execución dos proxectos cofinanciados con axudas AP-POEFE do Fondo Social Europeo, destinadas a entidades locais sinalan no punto 2 da I.X. Décimo quinta que a memoria final do proxecto conterá información acerca da participación dos axentes sociais no desenvolvemento do proxecto, especificando o tipo de participación e actividades concretas realizadas, así como, todas aquelas accións de información e comunicación realizadas polo Concello de Vigo para a máxima difusión do proxecto, tanto do seu contido coma dos resultados do mesmo.

A participación no VI Congreso "Acción e Implicación" da Asociación Empresarias de Galicia é unha oportunidade única e excepcional de poder cumprir cos termos indicados na memoria final e cos compromisos mutuos adquiridos coa Asociación Empresarias de Galicia, como axente social, colaborador activo na execución e desenvolvemento do proxecto "Vigo pola inserción laboral".

Estes e outros motivos, tales como a necesidade de accións de carácter igualitario, a singularidade da entidade beneficiaria na procura da igualdade da muller, a precaria situación das mulleres viguesas en canto ao emprego e a necesidade de capacitalas mediante certificacións oficiais, acreditan o carácter singular desta subvención de interese público e social que dificultan a concorrencia e convocatoria pública.

Desta vontade común entre o Concello e a Asociación nace o acordo que se plasma no convenio obxecto do presente expediente, no que se reflectan as condicións, pactos, obrigacións e compromisos asumidos polas partes.

II. SUXEITOS QUE ASINAN O CONVENIO E CAPACIDADE XURÍDICA CON QUE ACTÚA CADA UNHA DAS PARTES

Queda facultado para asinar o citado convenio, Tenente de Alcalde e Concelleira de Economía, Fondos Europeos, Patrimonio e Emprego, Dña. Elena Espinosa Mangana, ao amparo da Resolución da Alcaldía – Presidencia, de estrutura de goberno e modificación da delegación de competencias nos/as concelleiros/as delegados/as de Área, de data 06 de setembro de 2022.

Doutra parte, asinará o convenio Dona Susana Pérez Iglesias, con DNI 39.451.055Y, en calidade de Presidenta da "Asociación EMPRESARIAS DE GALICIA" (CIF: G27826999), en nome e representación da mesma.

III. COMPETENCIA ADMINISTRATIVA NA QUE SE FUNDAMENTA A ACTUACIÓN DA ADMINISTRACIÓN PÚBLICA

O Concello de Vigo ten dentro das súas propostas reducir a porcentaxe de persoas desempregadas, mediante un conxunto de accións de colaboración co entramado laboral, veciñal e social, entre as que figura, para acadar este obxectivo, a colaboración con asociacións, colectivos e outras entidades representativas tanto no ámbito territorial como sectorial de tal xeito que se mellore a contratación de persoas en situación de desemprego, cara a procura de emprego, o autoemprego e o fomento do emprendemento.



Copia do documento - Concello de Vigo	Data impresión: 16/05/2024 14:49	Páxina 4 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

A Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de Racionalización e Sustentabilidade da Administración Local establece no seu artigo 3.3 – a propósito das competencias distintas das propias e das atribuídas por delegación- que non considera, entre outras, como exercicio de novas competencias a *continuidade na prestación dos servizos xa establecidos* (apartado terceiro a) nin a *continuidade da actividade de fomento xa establecida en exercicios anteriores* (apartado terceiro b), tal e como ven desenvolvendo a concellería de Economía, Fondos Europeos, Patrimonio e Emprego nos últimos anos, toda vez que a actividade de fomento de emprego é unha actividade considerada coma prioritaria dentro desta Administración municipal (acordo da XGL do 09/03/2012).

Así mesmo e, en virtude do disposto na Disposición adicional primeira de dita lei, adicada ás competencias atribuídas pola lexislación autonómica anterior á entrada en vigor da Lei 27/2013, do 27 de decembro, de racionalización e sustentabilidade da Administración local, corresponde a materias de competencia propias do Concello a promoción e reinserción sociais e a participación na formación de activos e desempregados segundo o previsto nas letras k) e p) do artigo 80.2 da Lei 5/1997, do 22 de xullo, de administración local de Galicia, e que a empregabilidade e as políticas activas de emprego, segundo se indica no artigo 4 da Lei 56/2003, do 16 de decembro, de Emprego, na redacción dada polo artigo 2 del R.D.L 3/2011, do 18 de febreiro, de medidas urxentes para a mellora da empregabilidade e a reforma das políticas activas de emprego, terán unha dimensión local.

En cumprimento do esquema formal contemplado no apartado cuarto da base 40 das de execución do orzamento, de acordo co previsto no artigo 199 da Lei 5/1997, do 22 de xullo, de Administración local de Galicia e artigo 50 da Lei 40/2015, do 1 de outubro, de réxime xurídico do sector público, o convenio vai acompañado dunha memoria xustificativa na que figuran as razóns de necesidade e oportunidade, o seu impacto económico e o carácter non contractual da actividade en cuestión.

Os pactos que o convenio incorpora estímanse conformes ao interese público que este persegue e ao ordenamento xurídico e suficientes, coa demais documentación do expediente, ao fin pretendido así coma ao esquema formal referido.

IV. PROCEDIMENTO DE CONCESIÓN DIRECTA

No caso excepcional de concesión directa segundo o previsto no artigo 22.2.c) da Lei 38/2003, de 17 de novembro, xeral de subvencións (LXS), no art. 19.4.c) da Lei 9/2007, de 13 de xuño, de subvencións de Galicia (LSG) e na Base 38.5.2 das Bases de Execución do vixente Orzamento xeral do Concello de Vigo, o acto de concesión ou o convenio terá o carácter de bases reguladoras da concesión.

Segundo resultou acreditado mediante as declaracións responsables e os anexos achegados ao expediente, a entidade non está incurso en prohibición para ser beneficiaria das subvencións, atópase ao corrente das súas obrigas tributarias e coa Seguridade Social e non ten débedas pendentes con este Concello de Vigo.

O convenio entrará en vigor no momento da súa sinatura e despregará os seus efectos ata o completo desenvolvemento do proxecto subvencionado (8 de novembro 2022), sendo gastos subvencionables aqueles que se realicen durante o ano 2022, sempre e cando, segundo o art. 31 da LXS, respondan de maneira indubidable á natureza do proxecto subvencionado.

V. CONTÍA TOTAL E CRÉDITO ORZAMENTARIO

O importe do convenio de 1.800,00 € imputaranse con cargo á partida 2410 480000 *Programa de axudas ao plan de emprego municipal*, dos orzamentos xerais do Concello de Vigo.



Copia do documento - Concello de Vigo	Data impresión: 16/05/2024 14:49	Páxina 5 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Non procede incorporar cláusula expresa no convenio referida a inexistencia de relación laboral porque os gastos subvencionables obxecto da subvención que se pretende conceder á Asociación de Empresarias de Galicia son gastos de información e publicidade.

Esta subvención será compatible con calquera outra subvención ou axuda para a mesma finalidade procedente de calquera outra administración ou de entes públicos ou privados, nacionais, da Unión Europea ou de organismos internacionais.

A beneficiaria deberá comunicar ao Concello de Vigo a obtención doutras subvencións, axudas ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.

En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no artigo 34 do RD 887/2006, de 21 de xuño, polo que se aprobou o Regulamento da Lei Xeral de Subvencións.

Xa que logo, con carácter previo á aprobación do presente acordo pola Xunta de Goberno Local, deberá emitir informe a Intervención Xeral do Concello sobre a existencia de crédito axeitado e suficiente, para atender ás obrigas de contido económico que derivan da concesión do mesmo.

Se o custo total da actividade subvencionada resultase ser menor que o contemplado para a concesión da subvención ou se reducisen na execución da actividade subvencionada as actuacións ou elementos previstos, procederá a redución da subvención na mesma proporción. A comunicación destas circunstancias ao Concello deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

A beneficiaria non poderá subcontratar con terceiros a actividade subvencionada. Queda fóra deste concepto a contratación daqueles gastos nos que teña que incurrir para a realización por si mesma da actividade subvencionada.

VI. PRAZO E FORMA DE XUSTIFICACIÓN DA SUBVENCIÓN MEDIANTE TRAMITACIÓN ELECTRÓNICA

En cumprimento do disposto no artigo 65.3.e) da LXS, e de conformidade coas Bases de execución do Orzamento, no apartado 38.5.2, o convenio inclúe a regulación do prazo e forma de xustificación polo beneficiario.

A súa sinatura levará consigo a aprobación do compromiso do gasto correspondente, de acordo co art. 31.3 da LSG.

Conforme ao establecido nos artigos 34.2 da LXS e 31.5 da LSG o pagamento da subvención realizarase previa a xustificación polo beneficiario da realización da actividade, proxecto, obxectivo ou adopción do comportamento para o que se concedeu.

O prazo máximo para achegar esta xustificación remata ós tres días desde a notificación da concesión, debido a imposibilidade de cumprir coas datas previstas nas normas de peche do exercicio orzamentario 2022 para ás subvencións, de xeito que é preciso ampliar o prazo de presentación da xustificación o tempo imprescindible para a súa tramitación xa que a data de rexistro da solicitude de formalización do convenio de colaboración presentouse o 28/10/2022 e o VI congreso Empresarias de Galicia levouse a cabo o 08/11/2022, tratándose dunha excepcional oportunidade para dar a máxima visibilidade e difusión aos excelentes resultados da execución do proxecto "Vigo pola inserción laboral" antes de que remate o proxecto en decembro de 2022.



Copia do documento - Concello de Vigo	Data impresión: 16/05/2024 14:49	Páxina 6 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

A xustificación revestirá a forma de conta xustificativa final que, segundo o art. 30 da LXS, constitúe un acto obrigatorio do beneficiario, no que se debe incluír, baixo responsabilidade do declarante, os xustificantes de gasto ou documento con validez xurídica que permita acreditar o cumprimento do obxecto da subvención.

En cumprimento da obriga imposta polo artigo 14.2.a) da Lei 39/2015, do 1 de outubro de Procedemento Administrativo Común das Administracións Públicas (LPAC), establécese o emprego, do trámite en liña para presentar e tramitar a conta xustificativa da subvención outorgada a través da sede electrónica do Concello de Vigo, mediante o Rexistro Xeral (Tramitación por Internet). Require identificación e sinatura electrónica, por calquera das modalidades admitidas polo Concello de Vigo, que se poden consultar no enlace <https://sede.vigo.org/expedientes/usuarios/login.jsp?lang=gal>

Explicitase no convenio a documentación esixida e a necesidade de asinar electronicamente a documentación indicada, antes da súa remisión a través da sede electrónica do Concello de Vigo.

VII. PUBLICIDADE

O presente convenio quedará sometido ás normas de transparencia que regula a Lei 19/2013, do 9 de decembro, tendo que ser incorporadas ao Portal de transparencia e deberá rexistrarse na BDNS no momento da concesión, que opera como sistema nacional de publicidade das subvencións conforme establece a Lei 38/2003, de 17 de novembro, Xeral de Subvencións.

Por outra banda, de conformidade co artigo 15.3.c) da Lei 9/2007 de 13 de xuño, de Subvencións de Galicia, non será necesaria a publicación da concesión desta subvención no diario oficial da administración competente, por tratarse dunha subvención concedida, individualmente considerada, de contía inferior a 3.000 euros. En todo caso, publicarase na páxina web oficial do Concello de Vigo nos termos establecidos na Lei 4/2006, do 30 de xuño, de transparencia e boas prácticas na Administración pública Galega.

VIII. ÓRGANO COMPETENTE

O artigo 74 da Lei de Subvencións de Galicia establece que a competencia para conceder subvencións nas corporacións locais correspóndelle aos órganos que teñen atribuída esa función na lexislación de réxime local.

De conformidade cos artigos 127.1.g) da Lei 7/1985, artigos 31 LSG, artigo 34 da LXS e Resolución da Alcaldía – Presidencia do 17 de agosto de 2020, de estruturación dos servizos corporativos municipais e delegación de competencias xerais, é competente para aprobar o convenio e o gasto como contrapartida do estipulado, a Xunta de Goberno Local a proposta do concelleiro delegado.

Con carácter previo á adopción do acordo pola Xunta de Goberno Local, remitirase o expediente á Intervención Xeral do Concello para a emisión de informe preceptivo de fiscalización consonte ao disposto nos artigos 9 LXS, 6 da LSG e 214 do TRLFL.

Por todo o anteriormente exposto, nos termos e condicións, alcance e contido do informe de fiscalización da Intervención Xeral Municipal; previa a conformidade do Sra. Tenente de Alcalde e Concelleira de Economía, Fondos Europeos, Patrimonio e Emprego, nos termos das delegacións de competencias nos/as concelleiros/as delegados/as de Área, propónse á Xunta de Goberno Local a adopción do seguinte

ACORDO

PRIMEIRO. - AUTORIZAR e DISPOR o gasto por importe de 1.800,00 € (mil oitocentos euros), con cargo á aplicación orzamentaria nº 2410.480000, denominada *Programa de axudas ao plan de emprego municipal*, incluída no vixente orzamento municipal de 2022.



Copia do documento - Concello de Vigo	Data impresión: 16/05/2024 14:49	Páxina 7 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

SEGUNDO. - APROBAR o texto do Convenio de colaboración entre o Concello de Vigo e a “ASOCIACIÓN DE EMPRESARIAS DE GALICIA” (CIF: G27826999), cuxo obxecto é proporcionar a máxima difusión ós resultados do proxecto “Vigo pola inserción laboral”, e coa sinatura do mesmo, **CONCEDER** á referida entidade, unha subvención de 1.800,00 € (mil oitocentos euros).

TERCEIRO.- Rexistrar os datos estruturados do convenio aprobado, para a súa publicación na Base de Datos Nacional de Subvencións (BDNS), e publicar o mesmo no portal de transparencia do Concello de Vigo, conforme o artigo 20 da Lei 38/2003, de 17 de novembro, Xeral de Subvencións e artigo 15 da Lei de Lei 9/2007, do 13 de xuño, subvencións de Galicia.

Contra o presente acordo poderán interpoñer recurso de reposición ante o órgano que a dita no prazo dun mes ou recurso contencioso-administrativo ante os Xulgados do Contencioso-Administrativo de Vigo no prazo de dous meses, ámbolos dous prazos, contados a partir do día seguinte á recepción da notificación do acordo, de conformidade cos art. 123 e 124 da Lei 39/2015, de LPAC e 8.1 e 46.1 da Lei 29/98, RXCA. Porén, interposto o recurso de reposición non poderá interpoñer recurso contencioso-administrativo ata que sexa resolto expresamente o primeiro ou se produza a súa desestimación presunta polo transcurso do prazo máximo dun mes establecido para ditar e notificar a resolución.

ACORDO

A Xunta de Goberno local aproba a proposta contida no precedente informe.

CONVENIO DE COLABORACIÓN ENTRE O CONCELLO DE VIGO E A ASOCIACIÓN DE EMPRESARIAS DE GALICIA PARA PROPORCIONAR A MÁXIMA DIFUSIÓN ÓS RESULTADOS DO PROXECTO “VIGO POLA INSERCIÓN LABORAL” NO VI CONGRESO “ACCIÓN E IMPLICACIÓN” EMPRESARIAS GALICIA

En Vigo, na Casa do Concello de Vigo, ----- de dous mil vinte e dous.

REUNIDOS

Dunha parte, Dna. Elena Espinosa Mangana, na súa calidade de Tenente de Alcalde e Concelleira de Economía, Fondos Europeos, Patrimonio e Emprego do Concello de Vigo (CIF: P-3605700-H), con enderezo en Praza do Rei s/n de Vigo.

Doutra parte, Dna. Susana Pérez Iglesias, en calidade de Presidenta da “Asociación de EMPRESARIAS DE GALICIA” (CIF: G27826999), con domicilio social na Praza de Compostela, 23 – 2º dereita, de Vigo, en nome e representación da mesma, segundo resulta do anexo incorporado ao expte. 19698/77.

E, Dª Susana Gallardo Fariña, secretaria da Administración Municipal, ós meros efectos de asistencia ó Sr. Alcalde – Presidente e dación da fe pública no outorgamento do presente documento.

Actuando no exercicio dos seus respectivos cargos e tendo os comparecentes a capacidade legal necesaria para o outorgamento do presente convenio,



Copia do documento - Concello de Vigo	Data impresión: 16/05/2024 14:49	Páxina 8 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

MANIFESTAN

I.- Conforme ao previsto pola lexislación vixente, Lei 7/1985, Reguladora das Bases de Réxime Local, Lei 5/1997 da Administración Local de Galicia, RDL 781/1986, Texto refundido en materia de Réxime Local, RD 2568/1986 de Organización, Funcionamento e Réxime Xurídico das Corporacións Locais, o Concello de Vigo recoñécelle á cidadanía os dereitos fundamentais a participar directamente na actividade da administración municipal e a autoorganizarse a través de asociacións e ser apoiada nos devanditos procesos.

O Concello de Vigo ten dentro das súas propostas reducir a porcentaxe de persoas desempregadas, mediante un conxunto de accións de colaboración co entramado laboral, veciñal e social, entre as que figura, para acadar este obxectivo, a colaboración con asociacións, colectivos e outras entidades representativas tanto no ámbito territorial como sectorial de tal xeito que se mellore a contratación de persoas en situación de desemprego, cara a busca de emprego, o autoemprego e o fomento do emprendemento.

Que no marco das políticas activas de emprego, a Concellería de Economía, Fondos Europeos, Patrimonio e Emprego asume a tarefa de impulsar o desenvolvemento dunha serie de accións de carácter dinamizador do emprego entre a cidadanía de Vigo; polo que con fundamento no artigo 3.3.b) da Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local, a competencia administrativa para tramitar o presente procedemento fundaméntase en que non se considerará como exercicio de novas competencias, a continuidade da actividade de fomento xa establecida en exercicios anteriores; como é o caso das convocatorias de subvencións e convenios que se veñen formalizando en exercicios anteriores para fomento de emprego, actividade prioritaria dentro desta Administración municipal.

II.- A asociación Empresarias de Galicia é unha Asociación que actualmente ten representatividade en todo o territorio autonómico e unha sólida traxectoria na procura da igualdade da muller en todos os seus roles ao longo da súa andadura persoal e profesional. Entre os seus fins e actividades da entidade, encóntranse os seguintes:

- Conseguir a igualdade de oportunidades no acceso ao mundo laboral, eliminando calquera barreira discriminatoria.
- Defender e fomentar a libre iniciativa privada da muller.
- Facilitar o networking entre empresas e fomentar o espírito de colaboración entre as socias e colaboradoras coa finalidade de obter unha mellor actividade empresarial das mulleres.
- Impulsar e axudar á muller emprendedora.
- Impulsar a formación integral da muller desde o punto de vista empresarial e profesional.
- Fomentar o asociacionismo empresarial.

III.- A situación das mulleres viguesas en canto ao emprego é moito máis precaria que a dos homes. A estas non só aféctalle unha taxa de desemprego máis elevada, senón que outras variables fan efecto nelas, o que aumenta a súa predisposición á vulnerabilidade: peores condicións laborais, soldos máis baixos e menor recoñecemento laboral. Desta maneira, capacitar a mulleres mediante certificacións oficiais, non só implica aumentar as súas posibilidades de acceso ao emprego senón tamén recoñecemento laboral; e participar na formación transversal e complementaria achegaralles un



Copia do documento - Concello de Vigo	Data impresión: 16/05/2024 14:49	Páxina 9 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

acceso cualitativo mellor, grazas a adquirir competencias sobre os cambios lexislativos, organizativos e estruturais que se están producindo e que están a impregnar o tecido empresarial.

IV.- O proxecto “Vigo pola inserción laboral” previsto no Programa Operativo de Emprego, Formación e Educación (POEFE) de axudas destinadas a entidades locais para a inserción das persoas máis vulnerables cofinanciado nun 80% polo Fondo Social Europeo (Expte.15311-77) ten entre as súas metas, favorecer a igualdade de xénero e a non discriminación de colectivos desfavorecidos, mediante a implantación dunha serie de medidas específicas de índole afirmativa, inclusiva e de nivelación.

O proxecto busca dotar de protagonismo aos axentes sociais na organización, deseño e implementación do presente proxecto, tendo presenza activa as entidades máis representativas coma UXT, CC.OO., AJE Vigo, Asociación de EMPRESARIAS de GALICIA e CEP, que participaron na planificación do presente proxecto, comprometéndose ao seguinte:

- a) Aconsellar e acreditar o proceso de selección dos beneficiarios.
- b) Apoiar o proceso de execución das prácticas profesionais non laborais, seleccionando e sumando organizacións empresariais onde os beneficiarios poidan executar dita formación.
- c) Servir de asesores naquelas accións nas que polas súas propias circunstancias e competencias así o aconsellen.

V.- O Concello de Vigo, coa finalidade de afondar nesta colaboración cos axentes sociais participantes no proxecto e para proporcionarlle a máxima difusión ós resultados do mesmo, establece esta canle de cooperación necesaria coa Asociación de Empresarias de Galicia mediante o financiamento dos gastos de instalación, montaxe e equipamento dun stand informativo do proxecto “Vigo pola inserción laboral” dentro do seu VI Congreso “Acción e Implicación” durante o día 8 de novembro de 2022.

VI.- Así mesmo, cúmprese as medidas de información e comunicación establecidas no proxecto, segundo as cales, o concello de Vigo comprométese a comunicar os obxectivos e fins alcanzados, dar a coñecer os resultados ao público obxectivo e aos medios de comunicación, dando cobertura ao papel financiador xogado por parte do Fondo Social Europeo a través do Programa Operativo de Emprego, Formación e Educación (POEFE).

VII.- Que o vixente Orzamento Xeral do Concello de Vigo do 2022 inclúe crédito na aplicación orzamentaria 2410 480000 “Programa de axudas ao plan de emprego municipal”, para a concesión directa segundo o previsto no artigo 22.2.c) da Lei 38/2003, de 17 de novembro, xeral de subvencións (LXS), no art. 67 do seu regulamento, no art. 19.4.c) da Lei 9/2007, de 13 de xuño, de subvencións de Galicia (LSG) e na Base 38.5.2 de Execución dos Orzamentos xerais do Concello de Vigo do 2022, unha subvención directa por razóns do interese público, económico e social do desenvolvemento e cumprimento de obxectivos do proxecto “Vigo pola inserción laboral” para favorecer a igualdade de xénero e a non discriminación de colectivos desfavorecidos da cidadanía.

Entre os motivos que acreditan o carácter singular desta subvención, así como as razóns de interese público e social que dificultan a concorrência e convocatoria pública, débese indicar o seguinte:

- ✓ a necesidade da mellora de accións de carácter igualitario, inclusivo e nivelador, de cara a favorecer a igualdade de xénero e a non discriminación de colectivos desfavorecidos.



Copia do documento - Concello de Vigo	Data impresión: 16/05/2024 14:49	Páxina 10 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- ✓ a singularidade desta entidade beneficiaria no termo municipal de Vigo na procura da igualdade da muller.
- ✓ a precaria situación das mulleres viguesas en canto ao emprego, e por ende, a necesidade de capacitar as mulleres mediante certificacións oficiais para aumentar as súas posibilidades de acceso ao emprego e o recoñecemento laboral.
- ✓ a participación activa na planificación do proxecto “Vigo pola inserción laboral” da Asociación como un dos axentes sociais máis representativos e principais coñecedores da realidade laboral da cidadanía viguesa.
- ✓ o interese e compromiso de proporcionar a máxima difusión ós resultados do proxecto, dado o éxito de participación e obtención dos certificados de profesionalidade por parte dos alumnos/as nos itinerarios que o compoñen, así como non deixar de por en coñecemento da cidadanía o cofinanciamento dun 80% polo Fondo Social Europeo, imprescindible para levar a cabo estas accións formativas.
- ✓ a especificidade da subvención proposta e a oportunidade de cumprir co obxectivo de comunicar os excelentes resultados obtidos co proxecto aos asistentes ao VI Congreso “Acción e Implicación” Empresarias Galicia.

Neste convenio establécense as condicións e compromisos aplicables, os intervenientes, conclúen ao fin de regular os termos da concesión, cuxo obxecto é proporcionar a máxima difusión ós resultados do proxecto “Vigo pola inserción laboral” no VI Congreso “Acción e Implicación” Empresarias de Galicia mediante a instalación dun stand informativo durante o día 8 de novembro, cuxa contía total, segundo orzamento de gastos achegado, é de 1.800,00 €.

VIII.- Que a entidade “*Asociación de EMPRESARIAS de GALICIA*” non incorre en ningunha das circunstancias e prohibicións recollidas no artigo 13 da Lei 38/03, de 17 de novembro, Xeral de Subvencións (LXS), para obter a condición de beneficiaria da subvención, atópase ao corrente das súas obrigas tributarias coas administracións estatal, autonómica e local, e fronte á Seguridade Social, segundo resulta das certificacións e declaracións responsables incorporadas ao expediente.

IX.- Que, en base as precedentes consideracións e ao interese social, público, formativo, informativo, reivindicativo e económico que para a cidade de Vigo representan as actividades que desenvolve a entidade *Asociación de EMPRESARIAS de GALICIA*, o Concello de Vigo e a beneficiaria conveñen a súa colaboración, nos ámbitos sociocomunitario, cultural, formativo e informativo, e a celebración deste convenio, de conformidade cos seguintes

PACTOS

Primeiro.- A entidade “*Asociación de EMPRESARIAS de GALICIA*” comprométese a colaborar coa concellería de Economía, Fondos Europeos, Patrimonio e Emprego do Concello de Vigo, para o fomento das actividades previstas e, en concreto, a:

1. Levar a cabo as actividades de difusión ós resultados do proxecto “Vigo pola inserción laboral” no VI Congreso “Acción e Implicación” Empresarias de Galicia que fundamenta a concesión da subvención, co contido e nos termos do proxecto achegado ao expediente, a través da presenza destacada dos



Copia do documento - Concello de Vigo	Data impresión: 16/05/2024 14:49	Páxina 11 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

logotipos oficiais, cuxos modelos estarán a disposición da entidade no servizo de Desenvolvemento Local e emprego, respectando, en todo momento, a súa imaxe corporativa.

2. Dispor dos permisos e autorizacións necesarios para o desenvolvemento da actividade.
3. Aboar as taxas, impostos, dereitos de autor e demais gastos derivados da execución das actividades previstas.
4. Presentará ao Concello de Vigo, a través da Concellería de Economía, Fondos Europeos, Patrimonio e Emprego, e nos prazos que establece o convenio, a memoria final xunto á correspondente memoria económica, nos termos sinalados no pacto oitavo deste convenio.
5. Comunicarlle ao Concello de Vigo a obtención doutras axudas que, para a mesma finalidade, reciba doutras entidades públicas ou privadas.
6. Facilitar as actuacións de supervisión e control que, en calquera momento, realicen os técnicos do Concello, polo que estará obrigada a proporcionar canta información e documentación se lle solicite ao efecto.
7. Cumprir con todas as obrigas establecidas no art. 14.1 da Lei 38/2003, de 17 de novembro, Xeral de Subvencións.
8. Achegar solicitude de reserva en réxime de cesión dos espazos onde se leve a cabo o Congreso.

Segundo.- O Concello de Vigo, pola súa parte, comprométese a:

1. Conceder directamente á entidade "*Asociación de EMPRESARIAS de GALICIA*" unha subvención por importe de 1.800€ (mil oitocentos euros), con cargo a partida orzamentaria nº 2410.480000 denominada "Programa de axudas ao plan de emprego municipal", do vixente orzamento municipal, co obxecto de proporcionar a máxima difusión ós excelentes resultados do proxecto "Vigo pola inserción laboral" cofinanciado nun 80% polo FSE, no desenvolvemento do VI Congreso "Acción e Implicación" Empresarias Galicia o día 8 de novembro de 2022.
2. Respetar a estrutura organizativa da "*Asociación de Empresarias de Galicia*".
3. Colaborar na orientación, supervisión e avaliación das actividades realizadas.

Pola súa parte, o Concello está facultado para:

1. Obter a información e documentación que considere necesaria co fin de determinar o cumprimento por parte da entidade, das actividades conveniadas, así como, a adecuación do gasto ao valor de mercado.
2. Comprobar a adecuada xustificación, segundo o disposto no pacto oitavo, a correcta execución e o cumprimento dos obxectivos marcados e da finalidade que determinou a concesión ou goce da



Copia do documento - Concello de Vigo	Data impresión: 16/05/2024 14:49	Páxina 12 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

subvención e, no seu caso, liquidar as contías correspondentes en concepto de axuda económica derivada da súa execución.

3. Esixir o reintegro das cantidades percibidas, así como, os intereses de demora, cando proceda conforme ao art. 37 da LXS.

4. Acordar a imposición de sancións pola comisión de infraccións administrativas en materia de subvencións tipificadas na normativa reguladora.

Terceiro.- En virtude do art. 19.2 LXS, esta subvención será compatible con calquera outra subvención ou axuda para a mesma finalidade, procedentes de calquera outra administración ou ente público ou privado, nacionais, da Unión Europea ou de organismos internacionais.

A entidade beneficiaria deberá comunicar ao Concello de Vigo a obtención doutras subvencións, axudas, ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, coa presentación da xustificación da subvención outorgada.

En calquera caso, o importe total da subvención ou subvencións recibidas non poderá superar, illadamente ou en concorrencia con outras, o da actividade subvencionada, suposto no que se procederá na forma prevista nos artigos art. 37.3 da Lei Xeral de Subvencións e 34 do RD 887/2006, de 21 de xuño, polo que se aproba o Regulamento da Lei 38/2003, de 17 de novembro, Xeral de Subvencións.

Cuarto.- Se o custe total da actividade subvencionada resultase ser menor que o contemplado para a concesión da subvención ou se reduciran na execución da actividade subvencionada as actuacións ou elementos previstos, procederá a redución da subvención na mesma proporción. A comunicación destas circunstancias ao Concello deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

Quinto.- A entidade beneficiaria non poderá subcontratar con terceiros a execución total ou parcial das actividades obxecto do convenio. Queda fóra deste concepto a contratación daqueles gastos nos que teña que incorrer para a realización por si mesma da actividade subvencionada.

Sexto.- A presente subvención está suxeita aos requisitos de publicidade recollidos no art. 18 da Lei 38/2003, de 17 de novembro, Xeral de Subvencións.

Sétimo.- A entidade beneficiaria debe dar a adecuada publicidade ao financiamento municipal nas actividades subvencionadas, mediante a inserción dos logotipos oficiais do Ministerio de Política Territorial y Función Pública, Fondo Social Europeo, co seu correspondente lema, imaxe corporativa do proxecto "Vigo pola inserción laboral" e logotipo oficial do Concello de Vigo en todo o material divulgativo que se edite ou publique ao respecto, con posterioridade a sinatura do presente convenio.

Oitavo.- O pagamento da subvención realizarase logo de que o beneficiario xustifique a realización do proxecto. A xustificación da subvención realizarase pola *Asociación de EMPRESARIAS de GALICIA*



Copia do documento - Concello de Vigo	Data impresión: 16/05/2024 14:49	Páxina 13 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

mediante a presentación dunha memoria final, coa súa correspondente conta xustificativa que acredite o cumprimento total do obxecto e condicións do convenio. O prazo máximo para achegar esta xustificación será o **30 de novembro de 2022**.

En cumprimento da obriga imposta polo artigo 14.2.a) da Lei 39/2015, do 1 de outubro de Procedemento Administrativo Común das Administracións Públicas (LPAC), establécese o emprego do **trámite en liña** para presentar e tramitar a conta xustificativa da subvención outorgada a través da sede electrónica do Concello de Vigo, mediante o Rexistro Xeral (Tramitación por Internet). Require **identificación e sinatura electrónica**, por calquera das modalidades admitidas polo Concello de Vigo, que se poden consultar no enlace <https://sede.vigo.org/expedientes/usuarios/login.jsp?lang=gal>

A tenor do disposto no art. 81 do Regulamento da LXS establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a entidade beneficiaria achegará a documentación xustificativa por medios electrónicos, informáticos e telemáticos (EIT), resultando esixible a achega de facturas electrónicas e/ou copias das facturas orixinais en papel dixitalizadas e asinadas electronicamente.

Xa que logo, para proceder á xustificación do cumprimento da finalidade para a que se concedeu a subvención e, no seu caso, da aplicación dos fondos recibidos, deberá achegar a **conta xustificativa** (integrada pola memoria de actividades e a memoria económica dos gastos incorridos) a través da sede electrónica do Concello de Vigo, por calquera dos mecanismos de identificación e sinatura electrónica admitidos na sede electrónica, que se poden consultar no enlace <https://sede.vigo.org/expedientes/usuarios/login.jsp?lang=ga>.

Os documentos que requiran sinatura, **deberán asinarse electronicamente antes do seu envío a través da sede electrónica**.

A conta xustificativa da subvención outorgada conterá a seguinte documentación e información:

- a) Solicitud de abono da subvención asinada electronicamente.
- b) Memoria descritiva das actuacións realizadas, asinada electronicamente, xustificativas do cumprimento das condicións impostas na concesión da subvención, con indicación das actividades realizadas e dos resultados obtidos, e nos que figurará, como mínimo e para cada unha delas, a seguinte información:
 1. Denominación do programa, proxecto ou gasto subvencionado.
 2. Datas e lugar de celebración.
 3. Colectivo destinatario, número de beneficiarios e programación desenvolvida.
 4. Actuacións realizadas.



Copia do documento - Concello de Vigo	Data impresión: 16/05/2024 14:49	Páxina 14 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

5. Dous exemplares do material de información, boletíns ou libros editados e publicidade relacionada coa actividade subvencionada.
6. No seu caso, memoria de prensa e comunicación.
7. No seu caso, rexistro fotográfico e/ou audiovisual.
8. Acreditar, mediante a inserción en lugar destacado dos logotipos oficiais, a difusión pública da colaboración municipal no financiamento.

c) Unha memoria económica asinada electronicamente, na que se relacionarán, de forma numerada e correlativa, os gastos efectuados, con identificación do emisor, concepto dos gastos, CIF/NIF do emisor, nº documento xustificativo, data do documento, Base factura, no seu caso, IVE/IRPF, e importe total que se imputa á subvención. Así mesmo, riscarase cun “x” diante do documento cuxo orixinal se achega, e reflectirase a suma total dos gastos xustificadas e a suma total dos documentos orixinais achegados, tendo presente que deben xustificarse gastos por importe igual ou superior ao proxecto que serviu de base para a concesión da subvención, e orixinais pola parte subvencionada, na forma prevista na Base 38.5 das Bases de Execución do Orzamento.

A parte do gasto do proxecto ou actividade **non subvencionada xustificarse con copias dixitalizadas asinadas dixitalmente**, podendo substituírse pola presentación dun balance que abarque a totalidade do gasto **ou** por unha **certificación** na que se acredite que o programa ou actividade que foi obxecto de subvención foi executada na súa totalidade, indicando a contía do seu custe total.

d) Dos documentos xustificativos relacionados achegaranse facturas **electrónicas e/ou copias dixitalizadas asinadas dixitalmente** que deben cubrir como mínimo, o importe da subvención concedida, e ordenados correlativamente segundo o número de orde asignado na relación numerada. Deberá terse en conta, con carácter xeral e, no seu caso, que:

- daráselle preferencia á presentación de facturas sobre os recibos de impostos
- en ningún caso se admitirán simples recibos e/ou tiques de caixa, notas de entrega, albarás, resgardos bancarios...
- no caso de facturas electrónicas, a autenticidade da orixe e a integridade do seu contido, deben estar garantida por algún dos medios previstos legalmente (firma electrónica, código de verificación...)
- de conformidade co carácter finalista das subvención, non se admitirán facturas que correspondan a conceptos non presupostados na memoria
- as facturas deben emitirse a nome da entidade perceptora da subvención
- cando unha entidade ou empresa emisora dunha factura estea exenta de IVE, deberá achegar acreditación fidedigna da exención expedida polo órgano ou administración competente
- as facturas ou minutas por prestación de servizos profesionais deberán conter os mesmos elementos que os especificados para as facturas, e tratándose de persoas físicas deberá constar nas mesmas a pertinente retención do IRPF, así como a acreditación de que se practicou e liquidou ante a Axencia Estatal da Administración Tributaria dita retención
- non se considerarán gastos subvencionables os impostos indirectos cando sexan susceptibles de recuperación ou compensación, caso no que, tratándose de facturas, computaranse os gastos acreditados deducido o IVE e o IRPF



Copia do documento - Concello de Vigo	Data impresión: 16/05/2024 14:49	Páxina 15 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- xustificaranse as retencións e ingresos a conta do IRPF, así como, o abono das cotas da Seguridade Social, aínda que estas cantidades non sexan imputables á subvención.
- cando se inclúan gastos de seguros, achegarse fotocopia do correspondente contrato vixente durante o período subvencionado ou, no seu caso, recibo de pagamento.

e) Unha relación detallada doutros ingresos ou subvencións que financien a actividade subvencionada con indicación do importe e a súa procedencia, acompañando as correspondentes resolucións de concesión ou, no seu caso, declaración responsable de non percepción doutras axudas para a mesma finalidade procedentes doutras administracións ou entidades públicas ou privadas, nacionais, da Unión Europea ou de Organismo Internacionais.

f) A beneficiaria deberá estar ao corrente no seu cumprimento coas obrigas tributarias e coa Seguridade Social.

g) Declaración responsable asinada electronicamente do representante legal da entidade receptora, acreditativa dos seguintes extremos:

- Da veracidade da información e da autenticidade da documentación achegadas.
- Que os xustificantes acreditativos dos gastos que se presenten se aplicaron á actividade subvencionada.
- Que foron abonados aos seus expedicionarios ou, no seu caso, aos titulares do dereito que incorporan.
- Cando se xustifiquen gastos que constitúan rendementos incluídos no ámbito de aplicación do Imposto sobre a Renda das Persoas Físicas e suxeitos á retención, que foi practicada a pertinente retención, así como que a mesma foi declarada, liquidada e ingresada na Axencia Estatal da Administración Tributaria.
- Carta de pago do reintegro que proceda en supostos de remanentes non aplicados, excesos obtidos sobre o custe de actividade subvencionada e o interese de demora correspondente (artigos 19.3 e 37.3 da Lei 38/2003, de 17 de novembro, Xeral de Subvencións, e art. 17.3 e 33.3 da Lei 9/2007, de 13 xuño de subvencións de Galicia).
- No seu caso, de non dedución do IVE, cuxo importe, derivado dos gastos da axuda a xustificar é asumido pola entidade beneficiaria ao non poder deducilo.

h) Acreditarase a difusión pública do financiamento da Cellería de Economía, Fondos Europeos, Patrimonio e Emprego, en cada unha das actividades para cuxa realización se concede a presente subvención, segundo memoria de actividades achegada, mediante a presenza destacada do logotipos oficiais do Ministerio de Política Territorial y Función Pública, Fondo Social Europeo, co seu correspondente lema, imaxe corporativa do proxecto “Vigo pola inserción laboral” e logotipo oficial do Concello de Vigo, respectando en todo momento as imaxes corporativas.

Noveno.- A subvención aboaráselle a entidade, mediante transferencia bancaria á conta corrente número ES46 2080 0714 88 3040040596 (Abanca).



Copia do documento - Concello de Vigo	Data impresión: 16/05/2024 14:49	Páxina 16 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Décimo .- Antes de proceder ao pago da subvención a entidade beneficiaria deberá estar ao corrente no pagamento das súas obrigas fiscais e para coa Seguridade Social, o que poderá realizar por medio dunha declaración responsable, ao abeiro do artigo 31.7 e) da Lei 9/2007 de Subvencións de Galicia.

Décimo primeiro- Serán gastos subvencionables os que de xeito indubidable respondan á natureza da actividade subvencionada e se realicen no ano 2022, de acordo co orzamento de custos do proxecto subvencionado achegado pola entidade.

Décimo segundo.- A realización da actividade subvencionada, a súa axeitada xustificación e o cumprimento da finalidade que determinou a concesión da subvención será comprobada polos servizos da Concellería de Economía, Fondos Europeos, Patrimonio e Emprego. A xefatura do servizo de Desenvolvemento local e emprego emitirá informe ao respecto facendo constar, no seu caso, todas aquelas circunstancias que poidan resultar relevantes en orden a considerar incumprida ou defectuosamente cumprida a actividade subvencionada.

Décimo terceiro.- A entidade beneficiaria deberá facilitar toda a información que lle sexa requirida pola Concellería de Economía, Fondos Europeos, Patrimonio e Emprego e polo servizo de Intervención Xeral Municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

Décimo cuarto.- Procederá o reintegro das cantidades percibidas e a esixencia de xuros de mora desde o pagamento da subvención ata a data na que se acorde a procedencia do reintegro nos casos do artigo 37 Lei Xeral de Subvencións.

Cando o incumprimento da actividade se traduza nunha diminución significativa do proxecto subvencionado, traducible a termos económicos en función do proxecto presentado e o seu orzamento, que non implique verdadeiro incumprimento do obxectivo da subvención, procederá o reintegro da subvención na mesma proporción. En todo caso procederá o reintegro do exceso da subvención sobre o custo da actividade subvencionada.

Décimo quinto.- En canto ás infraccións e sancións en que poida incurrir a beneficiaria da subvención a que se refire este convenio e procedemento para a súa apreciación e imposición, estarase ao disposto no Título IV da Lei Xeral de Subvencións e, no seu caso, Título IV da Lei de Subvencións de Galicia e Lei 39/2015, do 1 de outubro, de Procedemento Administrativo Común das Administracións Públicas para o exercicio da potestade sancionadora.

Décimo sexto.- A entidade beneficiaria está informada de que os datos persoais facilitados nos anexos, son indispensables para a xestión da subvención e serán incorporados a un ficheiro municipal aos exclusivos efectos da instrución do procedemento para a concesión obxecto do presente convenio, a práctica da publicación, comunicacións e notificacións de obrigatorio cumprimento, o seguimento e comprobación da actividade subvencionada e demais actuacións previstas na normativa reguladora das subvencións, en orden á conclusión do proceso de subvención, polo que a súa achega é obrigatoria.



Copia do documento - Concello de Vigo	Data impresión: 16/05/2024 14:49	Páxina 17 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

O Concello de Vigo ten a condición de responsable deses datos e asume todas as obrigas derivadas da Lei 3/2018, de 5 de decembro, de Protección de Datos e Garantía dos Dereitos Dixitais e do Regulamento (UE) 2016/679 – RXPDP do Parlamento Europeo e do Consello sobre protección de datos de carácter persoal e das demais disposicións vixentes nesta materia.

A lexitimación do tratamento deses datos está baseada no consentimento expreso das persoas interesadas en participar no procedemento e no exercicio lexítimo das competencias legais do Concello de Vigo, conforme coa normativa de réxime local e sectorial aplicable.

O prazo de conservación dos datos facilitados será o necesario para a completa execución do procedemento, incluído o prazo de prescrición a efectos de posibles responsabilidades derivadas da actividade ou do dito tratamento.

Os datos poderán ser cedidos tamén a outras Administracións públicas cando sexa necesario para a correcta prestación do servizo ou ben en cumprimento dun mandato legal ou xudicial. Tamén poderán ser verificados e cotexados con calquera outros dos que as demais Administracións dispoñan a fin de comprobar a súa exactitude e veracidade.

As persoas interesadas poderán exercer os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, na forma prevista na normativa vixente, perante o órgano responsable do ficheiro (Concello de Vigo). Así mesmo, teñen dereito a presentar unha reclamación perante a Axencia Española de Protección de Datos (www.aepd.es).

Poderán obter mais información na web municipal ou contactando co delegado de protección de datos no enderezo: dpd.vigo@vigo.org

Décimo sétimo.- A concesión da subvención obxecto do presente convenio rexerese pola Lei 38/2003 do 17 de novembro, Xeral de Subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as Bases de Execución do vixente orzamento municipal e as restantes normas de dereito administrativo, e no seu defecto, as normas de dereito privado.

Décimo oitavo.- A presente subvención se rexistrará na BDNS no momento da concesión do convenio, conforme establece a Lei 38/2003 do 17 de novembro, Xeral de Subvencións e no portal de transparencia do Concello de Vigo.

Décimo noveno.- O convenio entrará en vigor no momento da súa sinatura e despregará os seus efectos ata o completo desenvolvemento do proxecto subvencionado (31 de decembro de 2022).

E, en proba da súa conformidade, firman o presente convenio, por triplicado exemplar, en Vigo, ---- de ----- de 2022.



Copia do documento - Concello de Vigo	Data impresión: 16/05/2024 14:49	Páxina 18 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 16/05/2024 14:49	Páxina 19 de 19
SUBVENCIONS	CSV: A1A342-E44AC1-57C5D6-BEJ31V-XAHVNZ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		